

龜

巢

藁

一
二



龜巢藁卷之十六

啓

訟伯父墳地上縣宰啓

掩骼埋胔古今之制其仁如天過家上塚者子
孫之情伊誰無地顧丘壟之失所寔風化之有
傷瀝血寸丹陳情尺素切念痛懷伯父曩歷
兵戈死雖正孤首之丘時未集鴻飛之澤啓手
啓足幸能四體之全歸若釜若堂詎信百年之
難保蓋自陵谷變遷之後以致家門摧敗之餘



失此故生屬諸姻黨誰其主之展我甥兮此一
錯在手當時故陸沉至于今日渭陽之舅既無
見念之秦龜陰之田那復肯還于魯然豈料人
面獸心之輩乃謀為兔葵燕麥之場雷厲風飛
宰木填空于斤斧日侵月削佳城亦壞于犁鉏
殆將見暴骨之寒又何異鞭屍之慘三尺之法
不畏匹夫之勇莫當向來不平之鳴屢致逢彼
之怒鬪狠不顧輕性命于鴻毛匍匐而歸飽尊
拳于雞肋是可忍孰不可忍如之何末如之何

徒憎蒿里之悲每動窮途之哭既無面于江東
父老復何顏于地下祖宗日月不照之盆弗堪
長覆天水違行之訟可憐終凶賴典章有禁地
之條其情理寔滔天之罪仰惟公道俯察愚衷
恭惟一官讀萬卷書為百里宰冰其清玉其白
絃之直稱之平寬猛適中剛柔相濟數月有撫
字征科之績四郊無叫囂隳突之憂休一焉其
有容皞一乎不可尚聲蜚臺閣恩迓絲綸如
者受廛為民閉門歛跡亦久被卓魯之化烏敢

虞芮之爭但悲夫九原之人欲掩以一坏之土
願施善政垂戒惡人使知見舅如母之親勿為
敗俗亂常之事復此牛眠之地仍為馬鬣之封
想去家舊鶴重歸看樹土慈烏畢集凡春秋拜
埽之日皆存亡感激之時上窮碧落下黃泉為
雪幽冥之恥生當隕首死結草弗判斷之恩痛
切之私敷宣罔既

上于尚書啓

公名傳字受道號止齋延祐乙卯科進士

不封萬戶侯願識韓荆州常切慕謫仙之志手

把一封書上有皇甫字輒敢扣昌黎之門問胡
為今日之來曰專為古人之事與其進也適我
願兮嘗謂傳道不絕者先民之功沒世不忘者
後人之義若道鄉鄒忠公之墓近在城陰有了
翁陳先生之銘流傳天下孰謂此一丘之土盡
廢于八世之孫鄉鄰忍于瓜分翁仲隨以蕪沒
故諸生為之太息于當路鳴其不平賴二侯以
公道主盟不半載而佳城復舊築思亭而薦蘋
藻立華表以樹松楸苟非紀載之詳尚慮耕鋤

之患立羊公一片石大書名世之言如季子十
字昭示尊賢之意雖不咎于既往庶有補于將
來求之與之完矣美矣恭惟。官老成前輩文
章鉅公三千字禮樂縱橫在早歲修名揭日九
萬里扶搖直上至晚年直氣凌雲典文衡則慎
于稱停秉史筆則嚴于褒貶霞雲一壑將歸老
于長洲茂苑之間霖雨八荒將拜命于安車蒲
輪之名斯言非佞輿望匪期。曩客新安聞公
舊政復紫陽之闕里大振儒風勒黃絹之好辭

有光吾道諒弗忘乎素志必重念于斯文惟大
賢無不容則小子庶有造于以紀前言往行于
以發潛德幽光當令梓里之間永若桐鄉之愛
鏘如韶鈞蔚如虎豹雄文照耀于九京明則禮
樂幽則鬼神妙理昭彰于千古存亡有感敷叙
莫殫

贊見余用中先生求作辨惑編序啓

狂簡斐成章辨諸家之邪說品題作佳士必當
代之儒宗夫辨香敬為南豐蓋學者仰如北斗

與其進也適我願兮嘗謂璞玉雖奇非和氏則
山中之石琴材固美無中卽則爨下之灰太玄
經有覆醬之訛公羊傳有賣餅之辱古猶如此
今豈不然歛立言圖不朽之傳必取正于有道
之士嗟今陋俗舍正路而弗由集古遺言迴狂
瀾于既倒可奈一齊而衆楚猶如皆醉而獨醒
驚人之鳥一鳴怪雪之大羣吠願君斲聖為我
折衷或袞袞一字之榮則價倍千金之重馮豐
璫寄寥廓久矣馳情挾雲漢分天章豈辭揮手

網維吾道黼黻斯文茲益伏遇。官文章鉅公
典型前輩詞場較藝視五色之目不迷鄉國興
賢使三代之風復振躬行古道歷踐華途每為
政邑郡之間常蜚英臺閣之上歸從彭澤舊家
北固江山教若河汾隱居南徐城市戶外之屨
常滿門前之轍何多雖云遂菟裘之營必復有
蒲輪之名如。旨俯慚後進仰慕先知尊其所
聞行其所知愧未造高明正大之域博我以文
約我以禮誓弗忘仰鑽瞻忽之誠景慕有餘編

揣摩罔既

贊見李晉仲提舉求 啓

思忠公傳道之賢為哀遺事辨邪說誣民之枉
乃集前言持布鼓于雷門分天章于雲漢恭惟
官儒林麟角學海龍門鍾山草堂之英靈雪
竹霜松之標致懶折腰于彭澤早賦歸來聊濯
足于滄浪亦云自取曷_二乎不可尚已休_二乎
其有容焉然吾道賴以綱維而儒林視為儀表
尚持藻鑒以主文衡名動京師栢府之薦章文

上官居翰苑蒲輪之名命將臨先生自此升學
者仰如斗。吳中晚進白下漫遊自憐如明月
暗投誰復念陽春寡和汲。有登龍之願拳。

慕倚馬之文方往依劉以圖御李

欲因劉克輔見公乃于劉

處偶得

識面低頭拜東野適因邂逅之間辦香為南

豐得展殷勤之敬敢持兩帙謹用三薰長年生
井庶觀天此日詣程門立雪倘賜五行之覽必
蒙一字之褒登山采玉入海求珠捆載乃酬其
素志製芟為衣紉蘭為佩激昂正賴其清風

贊見楊廉夫提舉求序思賢錄啓

兩袖春風作洛下書生之咏
淪船明月過關西
夫子之門問胡為今日之來
曰端為古人之事
竊有請也能無從乎伏念
生延陵季子之邦
頗知禮讓復道鄉鄒公之墓
當効馳驅樂民俗
之還淳喜士風之近古
思賢有錄味道無厭
紀前言往行之二三
發潛德幽光之萬一
自藏燕石誰售雞林
恐公羊遭賣餅之訛
使太玄有覆醬之辱
願借春秋之筆特為月旦之評
得一序

以冠塵編若干金而加弊帚庶傳不朽有補將來非惟先哲之有光真乃後學之多幸茲蒼伏遇△官乾坤清氣風雲壯懷走馬看長安花早歲似唐人得意割雞為百里宰居官如言子愛人以文章政事之俱優宜天下國家之大用尚淹滯庫未展經綸人皆知大器晚成我乃獲景星快覩題鸚鵡賦已多年傳麗則遺音到鳳凰池將不日遂平生高志倚須瓜代入觀楓宸如△者敢不長遡下風永懷高誼聞所聞見所見

真如到神仙十二樓之間步亦步超亦超或可
在弟子三千人之列其諸欣慕罔旣敷宣

贊見張用中教授啓

黃魯直謁蘇東坡因述依松之志彌正平過孔
北海乃蒙薦鶚之辭蓋同氣以相求必當仁而
不讓敢持尺牘特造文函恭惟官海內儒宗
江西詩派往歲為馬尚書賓客當時有虞學士
品題謂鵬程萬里橫飛期鳳池十年可到道出
羲皇才過屈宋何鄭公猶在于廣文上規姚姒

下逮莊騷若韓子獨尋于墜緒先覺、後已立
立人四方之學者來歸一鼓而斯文作氣博求
地利開玄武湖以廣澤物之功善育人才置治
事齋而兼水利之意聲蜚臺閣恩迓絲綸如
者生長吳中栖遲白下顧窮居而獨善恐沒世
以無聞著辨編惑闢近世之異端邪說作思賢
錄發前修之潛德幽光歆煩斲郢人之斤輒敢
弄班門之斧平居抱膝仰太山北斗之高此日
承顏覩鳳皇景星之快天其或者道之行歟得